

ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

11) Որո՞նք են Ս. մկրտութեան նախատիպերը հին կտակարանին մէջ:

* **Յեսու Նաւէի առաջնորդութեամբ հրեաներու անցքը Յորդանան գետէն (Յեսու 3/15-17) – Ս. Յովնան Օձնեցի եկեղեցւոյ հիմնարկէքին նուիրուած ճառին մէջ գուգահեռ մը կ'ընէ եկեղեցւոյ հիմքին դրոշող 12 քարերու, խորայէլի 12 ցեղերու եւ Յորդանանէն անցնելէ յետոյ գետեղուած յիշատակութեան 12 քարերու միջեւ: Ըստ անոր, 12 քարերը Տիրոջ 12 առաքելներն են, որոնց Տէրը պատուիրեց բոլորը մկրտել Ս. մկրտութեան խորհուրդով եւ Ս. Երրորդութեան անունով:**

12) Ո՞րն է Ս. մկրտութեան նախատիպը նոր կտակարանին մէջ:

Ս. Յովհաննէս Մկրտիչին կատարած մկրտութիւնները ապաշխարութեան համար էին, որ Յորդանան գետին մէջ մկրտեց Յիսուսը: Ըստ սրբազան աւանդութեան, ինչպէս որ Քրիստոս ծնաւ 6 Յունուարին Բեթղեհեմի մէջ, այնպէս ալ 30 տարի վերջ նոյն օրը մկրտուեցաւ: Այս է պատճառը, որ հայոց եկեղեցին հաւատարիմ մնալով վաղ եկեղեցւոյ աւանդութեան, դարեր շարունակ 6 Յունուարին կը նշէ մեր Տիրոջ եւ Փրկիչին Ս. Ծննդեան եւ Աստուածայայտնութեան տօնը, իսկ Ս. պատարագի աւարտին կը կատարէ ջրօրհնէք՝ ի յիշատակ Յորդանան գետին մէջ Տիրոջ մկրտութեան:

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԸԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ

7- ՄԵՂՔ ԵՒ ՓՐԿՈՒԹԻՒՆ

Աստուածաշունչը ուրիշ բան կ'ըսէ սակայն: Եբրայեցոց նամակին մէջ կը կարդանք. «Մարդոց սահմանուած է մէկ անգամ մեռնիլ եւ անկէ ետք դատաստան» (Եբր. 9.27): Որոշապէս կ'ըսւի՝ մէկ մահ եւ մէկ դատաստան: Այդ մասին Քրիստոս կարեւոր ուսուցում կը փոխանցէ՝ Մեծահարուստին եւ Ադգատ Ղազարոսին առակով, ուր դժոխքի մէջ տանջուող եւ օգնութիւն խնդրող Մեծահարուստին Աբրահամ նահապետ կու տայ հետեւեալ կարեւոր պատասխանը. «Որդեա՛կ, միտ՛ք բե՛ր, որ դուն քու կեանքիդ ատենը քու բարիքներդ առիք, նոյնպէս Ղազարոս՝ չարիքներ. հիմա անիկա (հոս) կը միխթարուի, ու դուն կը տանջուիս» (Ղուկ.16.25): Այդ ուղղութեամբ իրենց պատասխան կու տայ նաեւ Եբրայեցոց նամակին սա հատուածը, որ կը ցուցնէ, թէ հոս է միայն ու միակ պատեհութիւնը փրկութեան. «Անհնար է մէկ անգամ լուսաւորուածներու, որոնք երկնաւոր պարգեւին համար առին եւ սուրբ Հոգիի հաղորդեղան եւ Աստուծոյ բարի խօսքին եւ գալիք աշխարհին գորութիւններուն համը առին, իյնալէ ետք՝ նորէն ապաշխարութեամբ նորոգուիլ. ըրովհետեւ կրկին Աստուծոյ Որդին խաչը կը հանեն իրենց անձին համար, ու կը խայտառակեն» (Եբր.6.4-6,12.15-17,25):

Միրելի ընթերցող, ճՐԱԳ քերթը ամեն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ քերթ



ԲՈՒ ԽՕՍԲԴ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ԾԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 1 ՅՈՒԼԻՍ 2018 ԹԻԻ 26

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄԵՐ ԵՍ 3.1-11: Հո 11.13-24: ՅԻՍՈՒՍ ԵՐԻՍՏՈՍԻ ԱԽԵՏԱՐԱՆԸ ԸՍՏ ՄԱՏԹԵՈՍԻ 14.13-21

Երբ Յիսուս Յովհաննէսի գլխատումը լսեց, նաւակով մեկնեցաւ այդտեղէն եւ առանձին գնաց ամառի վայր մը: Երջանի քաղաքներուն բնակիչները լսելով ասիկա, քալելով հետեւեցան իրեն: Երբ Յիսուս նաւակէն դուրս ելաւ, տեսաւ մեծ բազմութիւնը, գթաց անոնց վրայ եւ հիւանդները բժշկեց:

Երեկոյեան, իր աշակերտները իրեն մօտեցան եւ ըսին. «Ամառի տեղ ենք եւ ժամանակն ալ ուշ է: Արձակէ՛ ժողովուրդը, որպէսզի երթան շրջակայ գիւղերը իրենց համար ուտելիք գնելու»:

Յիսուս ըսաւ. «Ինչո՞ւ իրենք երթան: Դ-ու՛ք տուէք անոնց ուտելիքը»:

Անոնք ըսին Յիսուսի. «Հոս գրեթէ ոչինչ ունինք, բացի հինգ հացէ եւ երկու ձուկէ»:

Յիսուս ըսաւ. «Հոս բերէ՛ք ատոնք»։ Եւ հրամայեց, որ ժողովուրդը նստեցնեն խոտին վրայ: Ապա առաւ հինգ հացը եւ երկու ձուկը, փառք տուաւ Աստուծոյ, օրհնեց, կտրեց հացերը եւ տուաւ աշակերտներուն, որոնք բաշխեցին ժողովուրդին: Բոլորն ալ կերան ու կշտացան եւ աշակերտները անլցած կտորները հաւաքելով՝ տասներկու սակառ լեցուցին: Իսկ ուտողներուն թիւը շուրջ հինգ հազար էր, կիներն ու մանուկները չհաշուած:

ՄԻԱՍՆԱԲԱՐ ԽՈՐՀԻՆԸ

Մենք եւս, որեւէ գործ կատարելէ առաջ, նախ պէտք է շնորհակալութիւն յայտնենք Աստուծոյ, իր տուած պարգեւներուն համար, ապա մեր աղօթքը բարձրացնենք իրեն եւ իր օրհնութիւնը խնդրենք, որովհետեւ արդիւնաւետ աշխատանքը կը յաջողի Աստուծոյ օրհնութեամբ:

ՍՈՒՐԲԵՐ ԵՒ ՏՕՆԵՐ

ՅԻՇԱՏԱԿ ՏԱՊԱՆԱԿԻ ՀՆՈՅ ԵՒ ՆՈՐՈՅ Ա. ԵԿԵՂԵՑԻՈՅ

Տապանակը, Հին Կտակարանին մէջ նկարագրուած է որպէս Եհովայի իմանալի ներկայութիւնը, ինչպէս նաեւ Իսրայէլի եւ Եհովայի միջեւ կնքուած դաշինքի տեսանկիւնը, խորհրդանշանը:

Ուխտի տապանակը կը պարունակէր Տասնաբանեայ պատուիրաններու տախտակները, մանանայով լեցուն սափորը եւ Ահարոնի ծաղկեալ գաւազանը: Ուխտի տապանակը հրեաներու համար ամենէն շատ յարգուած սրբութիւնն էր:

Մովսէսի ժամանակէն մինչեւ Սողոմոն իմաստունը, մեծ յարգանքով ու գուրգուրանքով կը պահուէր Ուխտի Տապանակը:

Տապանակի յիշատակութեան վերջին անգամ կը հանդիպինք Սողոմոնի օրերուն: Սողոմոն իմաստունը Ուխտի տապանակը գետեղեց նորաշէն Տաճարին մէջ, բայց յետոյ Երուսաղէմի կործանման ժամանակ անհետացաւ:

Տապանակը որպէս եկեղեցական սոնակատարութիւն յատուկ իմաստ եւ նշանակութիւն չունի, այլ պարզապէս կը նշանակէ Հին եւ Նոր Ուխտի հաստատութիւնը, որպէս մէկը միւսին լրացուցիչ, ուստի Տապանակի սօնը նուիրուած է Հին եւ Նոր Ուխտի հաստատութեան յիշատակին:

ԱՌԱԿԱՅ

Եթէ կրնաս բարիք գործել, մի՛ ըսեր. «Գնա՛, վաղը եկուր, կու տամ», որովհետեւ չես գիտեր, թէ՛ վաղը ինչ կը պատահի քեզի:

Հայցում պապոսխան բաժին

Ե՞ՐԲ ԵՒ Ո՞Ր ՕՐԵՐՈՒՆ ԿԱՐԵԼԻ Է ՊԱՏԱՐԱԳ ՄԱՏՈՒՑԵԼ

Պատարագ կարելի է մատուցել ամէն օր, ինչպէս առաքելական դարու սովորութիւնն էր, բայց որպէսզի ժողովուրդը պարզ բան չկարծէ, Առաքելներուն յաջորդները տնօրինեցին Շաբաթ եւ Կիրակի օրերը պատարագել: Սովորաբար առաւօտուն երբ սկսի, մինչեւ ժամը 12:00 կ'աւարտի, որովհետեւ այս միջոցին էր, որ Գողգոթայի Զոհը մատուցուեցաւ մեր մեղքերուն համար: Իսկ աստուածայտնութեան եւ Զատիկի ձրագալոյցին՝ երկնայեան կը մատուցուի, աւելի հանդիսաւորութիւն տալու յաջորդող օրուան մեծ երկու տօներուն, որոնք երկու ծայրերն են մարդկութեան փրկագործութիւնը իրենց մէջ ամփոփող:

Ո՞Ր ՕՐԵՐՈՒՆ ԿԱՐԵԼԻ ԶԷ ՊԱՏԱՐԱԳ ՄԱՏՈՒՑԵԼ

Առաջաւորաց Պահի հինգ օրերուն, Մեծ Պահին՝ բացի Շաբաթ եւ Կիրակի օրերէն, նոյնպէս հինգ նաւակատիֆներու կիրակիներու հինգ օրերուն: Որովհետեւ ապաշխարութեան օրեր են, թէեւ շատ տեղեր Նաւակատեաց շաբաթներու ընթացքին պատարագ կը մատուցեն:

Գիտէ՞ր, թէ...

Հին Կտակարանի գիրքերէն Սաղմոսները, կը կարդացուին եկեղեցական արարողութիւններու ընթացքին: Անոնք հին կտակարանի ամենէն աւելի տարածուած եւ հաւատացեալներու կողմէ որդեգրուած գիրքերն են:

Թէեւ տարբեր տարբեր մարդիկ սաղմոսներ գրած են, սակայն բոլորն ալ միախմբուելով վերագրուած են մէկ հեղինակի՝ Դաւիթ թագաւորի:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԵԹԷ ԱՇԽԱՐՀԻ ԶԱՐՈՒԹԻՒՆԸ ՔԵՉ ԿՐ ՎԱՍՑՆԷ, ԿԱՐԴԱ՛ 27-ՐԳ

ՍԱՂՄՈՍԸ

Արդ, Կայէնին՝ առաջին մարդասպանին եւ եղբայրատեացին գործերուն ու պատուհասներուն մասին գրեցի անոր համար, որ գիտնաք, թէ ամէն մարդ որ իր եղբայրը, այսինքն՝ ընկերը ստէ, մարդասպան է Կայէնի նման, որովհետեւ բոլոր մարդիկ իրարու եղբայր են ստեղծագործութեամբ: Քրիստոնեաները ա՛յլ աւելի եղբայր են, որովհետեւ միեւնոյն Աւագանին ծնունդ ըլլալով՝ երկնաւոր Հօր որդի են եւ ամէն օր կ'ըսեն. «Հայր մեր որ երկինքն ես»:

Գիտցէ՛ք նաեւ այս, որ սպանութիւնը բազմապիսի ձեւերով կը կատարուի. ոմանք սուրով կամ այլ գործիքներով կը սպաննեն, ուրիշներ՝ դեւերով եւ այլ բազմապիսի հնարներով, իսկ ուրիշներ՝ մատնութեամբ պատնատ կ'ըլլան սպանման եւ մահուան, եւ այս բոլորին սկիզբը ատելութիւնն ու բարկութիւնն է: Այս պատնատու մեծ աւետարանիչը՝ Յովհաննէս կ'ըսէ. «Ամէն ով, որ ատէ իր եղբայրը, այսինքն ընկերն ու հաւատակից քրիստոնեան, Կայէնին նման եղբայրասպան է եւ անոր անէծքն ու պատուհար կ'ընդունի» (Ա. Յովհ. Գ 15): Քրիստոս եւ Աւետարանին մէջ կը հրամայէ, թէ «Ան, որ գուր տեղ բարկանայ իր եղբօր, գեհէնին պարտական է» (Մատթ. Ե. 22):

Արդ, ողորմեցէ՛ք ձեզի, խնայեցէ՛ք իրարու եւ մի՛ ատէք զիրար: Մի՛ նախանձիք, ոխ մի՛ պահէք, մի՛ մատնէք, մի՛ գրկէք, մի՛ չարախօսէք մի՛ անարգէք, խոռով մի՛ մնաք, մի՛ գարնէք, անողորմ մի՛ ըլլաք:

ՀՈԳԵՒՈՐ ԽՈՐՀՐԴԱՏՈՒ

ՏԷՐ ՕԳՆԷ ԻՆԾԻ

Տէր, օգնէ՛ ինձի, որ ցնցոտիներով չշրջիմ, ես որ «լաւագոյն պատմուեանը» հագնելու կոչ կ'ուղղեմ ուրիշին: Տէր, օգնէ՛ ինձի որ հոգեւորապէս անօթի չըլլամ, ես որ Կենաց Հացը իմ ձեռքերովս կը շալկեմ: Տէր, օգնէ՛ ինձի որ երկրաւորին չկառչիմ, ես որ երկինքը ցանկալ կը պատուիրեմ: Տէր, օգնէ՛ ինձի, որ թոյլ չգտնուիմ իմ անձիս փրկութեան նկատմամբ, ես որ այլոց կոչ կ'ուղղեմ աշխատիլ իրենց անձերուն փրկութեան համար: Տէր, օգնէ՛ ինձի, որ չարութիւն չընեմ ու չխորհիմ, ես որ Զարին դէ՛մ դնելու մարտահրաւէր կը կարդամ: Տէր, օգնէ՛ ինձի, որ սիրտս ու հոգիս ծարաւէն չնուաղին, ես որ կոչուած եմ ըլլալու քարոզիչը Կենսատու Աղբիւրին:

ԱՂՕԹՔ

Տո՛ւր ինձի, Տէ՛ր, որ բարին գործեմ ամէն ժամ եւ խափանէ՛ չար մտքես բոլոր չարիքները, ե՛տ պահէ զիս պիղծ եւ անխրատ ընթացքէ ու չար սովորութենէ եւ հաստատէ՛ Քու պատուիրաններուդ երկիւղին ու սիրոյն մէջ:

Արդարութեան Արեգակ, փրկիչ իմ եւ ազատիչ Յիսուս Քրիստոս, Քու լոյսիդ կ'ապաւինիմ, լուսաւորէ՛ ու ջերմացո՛ւր սիրտս: Հրկիզէ՛ իմ չար խորհուրդներս եւ հալեցո՛ւր մեղքերուս սառնամանիքը: Գարո՛ւն շնորհէ՛ Տէ՛ր, որ [ան] ծաղկի եւ պտղաբերէ արդարութեան պտուղը: